

ՀԱՂՈՐԴՈՒՄՆԵՐ СООБЩЕНИЯ

ԷԶԵՐ ՀԱՅ-ԲՈՒՂԱՐԱԿԱՆ ԿԱՊԵՐԻ ՊԱՏՄՈՒԹՅՈՒՆԵՅ

Զ. Մ. ՂԱՍԱՔՅԱՆ

Բալկաններում, Բուլղարիայի այժմյան տարածքում, VI դարից սկսած. արտագաղթի և բյուզանդական կայսրերի կաղմակերպած բռնագաղթների հետևանքով առաջացան առաջին հայկական գաղթավայրերը, որոնք հետագայում, երբ կաղմավորվեց Ասպարուհի սլավոնա-բուլղարական պետությունը (681 թ.), դգալի դեր կատարեցին Բյուզանդական կայսրության և Բուլղարական պետության տնտեսական, քաղաքական և մշակութային կյանքում: VIII դարի սկզբից հայ ժողովրդի նոր զանգվածների գաղթի հետևանքով Բալկաններում ստեղծվեցին ավելի մեծաքանակ գաղթօջախներ: Բուլղարահայ գաղութի պատմությունը, նրա զարգացման ամբողջ ընթացքը ներհյուսված է բուլղար ժողովրդի պատմության հետ: Հայերի և բուլղարների՝ օտար լծից ազատագրման մարտերի ընթացքում կոփվեցին և ամրապնդվեցին նրանց փոխադարձ օգնությունն ու եղբայրությունը: Հայ-բուլղարական պատմական կապերին, բուլղարահայ գաղթօջախների առանձին հարցերին են նվիրված Ռ. Հ. Խաչատրյանի, Ս. Վ. Հովնանյանի, Հ. Մ. Բարթիկյանի, Կ. Հ. Ժինգոլյանի և ուրիշների աշխատությունները: Հայ ժողովրդի պատմության առանձին հարցերին և բուլղարահայ գաղութի ընդհանուր զարգացման պրոբլեմներին իրենց աշխատություններում անդրադարձել են բուլղար պատմաբաններ, բանասերներ, հասարակական-քաղաքական գործիչներ Վ. Զլասարսկին, Յ. Իվանովը, Գ. Կացարովը, Դ. Անգելովը, Ի. Դուլյևը, Վասիլ Կոլարովը, Ն. Գինևը և ուրիշներ:

Բուլղարահայ գաղութի ծագման, զարգացման և մշակութային-տնտեսական կյանքին են անդրադարձել նաև բուլղարահայ պատմաբան-բանասերներ ու քաղաքական գործիչներ Ստեփան Շահբազյանը, Անդրեաս Հակոբյանը, Ներսես Գասպարյանը, Պարույր Ասատուրը, Դանիել Ռազդրադյանը, Արմեն Սևանը, Սարգիս Փաշաճյանը, Արա Մարկոսը, Հարություն Քյուրտյանը, Վահե Զերչյանը, Միքայել Տոնիկյանը, Կարո Հայրապետյանը, Հակոբ Օրմանճյանը և ուրիշներ: Նրանց աշխատություններն ու հոդվածաշարերը հարուստ են հայ ժողովրդի պատմության վերաբերյալ բազմաթիվ փաստական նյութերով՝ սկսած վաղ միջնադարից մինչև մեր օրերը:

Հայ և բուլղար ժողովուրդների պատմության մեջ կան շատ ընդհանրություններ: Բուլղարագիտական առաջին միջազգային համագումարի պլենարիստի ժամանակ, որը նվիրված էր բուլղարական պետության հիմնադրման 1300-ամյակին, Սովետական Միության ԳԱ ակադեմիկոս Դմիտրի Լիխաչովը իր ղեկուցման մեջ ասաց. «Չնայած այն հանգամանքին, որ բուլղար ժողովրդի պետական զարգացման ընթացքը ընդհատվեց երկու անգամ (նկատի ունեք բյուզանդական և օսմանյան տիրապետության ժամանակաշրջանները—Զ. Ղ.), այնուամենայնիվ նա կարողացավ պահպանել իր ինքնուրույնությունը, ազգային դեմքն ու գոյությունը, որովհետև նա ուներ նաև իր «հոգևոր պետությունը»:

1 Բուլղարահայ գաղութի ամբողջական պատմությանը նվիրված առաջին աշխատությունը գրել է Սուրեն Հովնանյանը, հիմնականում շարադրելով միջնադարից մինչև XIX դարի երկրորդ կեսի պատմությունը: Հայ-բուլղարական գրական կապերին են նվիրված Կ. Հ. Ժինգոլյանի մի շարք ուսումնասիրությունները:

լեզուն, գիրն ու գրականությունը, մասամբ արվեստն ու եկեղեցու ինքնուրույնությունը հակադրվում էին բյուզանդական եկեղեցու ճնշումներին ու օսմանյան լծին: Մեր կողմից պայմանականորեն կոչված «հոգևոր պետությունը» ժողովրդի մշակույթն է ամբողջությամբ: Հենց այդ հոգևոր մշակույթի մեջ պահպանվել ազգային ինքնագիտակցությունը, որը զրոսնորվել է ժողովրդի ազգային ինքնապահպանման ձևով²:

Այդ խոսքերը կարելի է վերագրել նաև հայ ժողովրդին, որ դարերի ընթացքում պահպանելով իր լեզուն, գիրն ու գրականությունը, մշակույթի կոթողները, կարողացավ դիմագրել բոլոր տառապանքներին ու օտար լծին, վերստին իր ազգային վերածնունդը սովետական ալգերի համերաշխ ընտանիքում:

Պատմահայր Մովսես Խորենացին, Սեբեոսը, Անանիա Շիրակացին, Արիստակես Լաստիվերցին, Ստեփանոս Տարոնեցին, Մխիթար Ալոյվանեցին, Կիրակոս Գանձակեցին և մյուս հայ պատմիչները հայ ժողովրդի պատմությունը գրելիս արժեքավոր տեղեկություններ են հաղորդել նաև ուրիշ ժողովուրդներին՝ այդ թվում սլավոնների, նախաբուլղարների ու հարևան երկրների պետական կառուցվածքի, ապրելակերպի ու սովորությունների, տեղաշարժերի ու պատերազմների մասին: Նրանց գործերում տվյալներ կան նախաբուլղարների, սլավոնա-բուլղարական պետության ծագման, սլավոնների, Բյուզանդիայի և հայերի փոխհարաբերությունների մասին: Միջնադարյան հայ պատմիչները մանրամասն տեղեկություններ են հաղորդել սոցիալ-քաղաքական այնպիսի երևույթների մասին, ինչպես պավլիկյան, թոնդրակյան և բոգոմիլյան սղանդավորական շարժումները ուղղված հայկական, բյուզանդական, բուլղարական ֆեոդալական վերնախավի դեմ:

Հայ պատմիչների հաղորդումները լուրջ ակզբնաղբյուրներ են բոլոր այն ժողովուրդների պատմության համար, որոնք դարերի ընթացքում հայ ժողովրդի հետ միասին պայքարեցին բյուզանդական, սելջուկյան, մոնղոլական և օսմանյան զավթիչների դեմ: Ուշագրավ են այն տեղեկությունները, որ վերաբերում են նախաբուլղարներին, որոնք հայոց Վաղարշակ թագավորի որդի Արշակի ժամանակ եկել և տեղավորվել են Հայկական լեռնաշխարհի տարածքներում: Այդ տեղաշարժերի մասին Մովսես Խորենացին հաղորդում է. «Ի սորա աուրս աղմուկ մեծ լեալ ի գօտիս մեծի լերին Կաւկասոս յաշխարհն Բուղարայ և բազումք ի նոցանէ հատուածեալք եկին յաշխարհս մեր, և բնակեցան ի ներքո Կողայ, յարգաւանդահող և ի հացաւէտ տեղիս միւշև ի ժամանակս բաղումս»³: Այնուհետև պատմահայրը շարունակում է. «Եւ ինքն արձակեալ դարեմսեայ բաղմութիւնն՝ իջանէ ի տեղիս խոտաւետս մերձ ի սահմանն Շարայի. դոր հինքն Անփայտ և Վերին Բասեան կոչէին, իսկ հետոյ վասն հատուածի Վըղնդուր Բուղարայ Վնդոյ, բնակելոյ ի տեղիսն՝ յանուն նորա անուանեալ մինչև ցայժմ»⁴:

Նախաբուլղարների պետությունը, Դոնի և Վոլգայի միջի լայնածախլ տարածքներում, Կուրբատի ժամանակ հասնում է իր հզորության գագաթին: Սակայն նրա մահից հետո հինգ որդիները, չկարողանալով դիմագրել խաղաղների և թուրքական ցեղերի արշավանքներին, թողնում են իրենց նախահայրենիքը և շարժվում տարբեր ուղղություններով: Կուրբատի որդիներից Ասպարուհն ու Կոբերը գնում են դեպի արևմուտք: Անցնելով Դոն ու Դանուբ գետերը, նրանք հաստատվում են Վերին Միզիայում և Դանուբի գետաբերանի կղզիներում: Հետագայում Ասպարուհը աչստեղ հիմնադրում է բուլղարա-սլավոնական պետությունը (VII դարի վերջին): Այդ պետության մասին Անանիա Շի-

² Първи международен конгрес по българистика, пленарни доклади. Д м и т р и й Л и н х а ч о в. Челната отбранителна линия на духа на българската държава: София, 1981, с. 7.

³ Մովսիսի Խորենացու Պատմութիւն Հայոց. Տփղիս, 1913, էջ 119:

⁴ Նույն տեղում:

րակացին հաղորդում է. «Որ ըստ անուանց գետոյն կոչեցեալ, Կուփի Բուղար, Դուչի Բուղար, Ողոնտուր Բլկար, Չղար Բուղար. օտար ալժմ ի Պտղմէականէն են այս անուանքս... Եւ ի Զիական լեռնէն փախեալ որդի խորբարդայ: Եւ ընդ մէջ պուղարաց և ծովուն Պոնտոսի բնակէն ազգ... Եւ լերինք երկու եւ զետա. մի է Դանոբ որ բաժանի ի վտակս վեց, և առնէ լիճ մի եւ կղզի որ կոչի Պիւկի. ի կղզիս այս բնակեալ է Ասպար-հու որդին խորբարաց, որ փախեալ ի խաղարաց ի բուխարաց լեռնէն, եւ ղնաց հալածեաց ի մուտս կուս պաւառն ազգ, եւ բնակեցաւ անդ»:

Սլավոնա-բուղարական պետութեան կազմավորման նախօրէին Բալկաններում արդեն գոյութիւն ունեին հայկական գաղութներ, որոնք առաջացել էին բյուզանդական կայսր Մորիկի (582—602) կազմակերպած բռնագաղթերի միջոցով: Նա կարողացել էր Հայկական լեռնաշխարհից տեղահան անել հայկական զանգվածներ ղեպի Բալկանները, նաև վարձելով հայկական բանակի առանձին զորամասեր կայսրութեան հյուսիսային սահմանը պաշտպանելու համար սլավոնների, հոների, ավարների և բուղարների հարձակումներից: Այդ մասին Սեբեոսը հաղորդում է. «Եւ հրաման ելանէ ի կայսրէ, երեսուն հազար հեծեալ վղենակալ է, ասէ, իմ ի վերայ աշխարհին Հայոց: Արդ լի երգաւոր ժողովեցին ինձ անտի և նստուցին ի Թրակացուց աշխարհին»:

Արևմտյան Հայաստանի Մելիտինեի (Մալաթիա) և Թեոդոսուպոլսի (էրզրում) շրջաններից մեծ թվով պավլիկյաններ գաղթեցին Բուղարիա և հաստատվեցին Ֆրիլիպուպոլիս (Պլովդիվ) քաղաքում և շրջակայքում: Գաղթը շարունակվեց X—XI դդ., երբ բյուզանդական կայսրերի օգնությամբ Գրիգոր Մազիստրոսը ճնշեց աղանդավորական շարժումները Հայաստանում:

XI—XII դդ. Բուղարիան կորցրեց իր պետական անկախութիւնը: Բյուզանդիայի տիրապետութիւնը Բուղարիայի վրա շատ ծանր անդրադարձավ և ընդհատեց վերջինիս հասարակական-պետական զարգացման ընթացքը: Բյուզանդական կայսրերը բռնագաղթերի միջոցով Բալկաններից բուղարներին վերաբնակեցնում էին կայսրութեան արևելյան շրջանները: Հայերը և բուղարները համատեղ պայքարի են դիմում բյուզանդական կայսրերի ոտնձգութիւնների ու նենգ քաղաքականութեան դեմ: Բուղարիայում պավլիկյանները, անմիջական կապերի մեջ լինելով բողոմիլիների հետ, համատեղ ելույթներ են ունենում տիրող կարգերի դեմ, ընդ որում նրանք իշխող դիրք են գրավում առանձին քաղաքներում և բնակավայրերում: Ֆրիլիպուպոլսի նման խոշոր կենտրոնում իշխում էին հայ պավլիկյանները և բողոմիլիները:

Նման համատեղ պայքար կազմակերպեցին հայերն ու բուղարները, երբ սելջուկյան հորդանքը ասպատակում էին Հայաստանը: Արիստակէս Լուսինավերցին հաղորդում է, որ սելջուկ-թուրքերի դեմ բյուզանդական բանակի կրփիւններին մասնակցում էին ինչպես հայերը, այնպես էլ բուղարներն իրենց զորավարներով: Հայ պատմիչը ջերմ խոսքերով գովաբանում է Ահարոն Բուղարի և նրա որդի Թոդորոսի հերոսական մարտերն ու վերջինիս մահը Անիի և Տարոնի պաշտպանութեան համար. մղված պայքարում՝ Բյուզանդական կայսրի հրամանով Ահարոն Բուղարը նշանակված էր նախ Վասպուրականի «վեստ» կամ «կատեպան», ապա՝ Անիի մագիստրոս, իսկ հետագայում, Միջագետքի մագիստրոս Գրիգոր Պահլավունու մահից հետո (1058), փոխարինեց նրան:

Սելջուկները խորտակեցին Բյուզանդական կայսրութեան տնտեսական-

1 Աշխարհացոյց Մովսեսի խորենացւոյ յաւելումովք նախնեաց. Վենետիկ, 1881, էջ 17, 25:

6 Պատմութիւն Սեբեոսի. Աշխատասիրութեամբ Գ. Վ. Աբգարյանի. Երևան, 1979, էջ 105:

7 Երվանդ եպիսկոպոս Փարտահնէյան. Փ. Պոլսո հայ գաղութին ծագումը և անոր եկեղեցին. Փ. Պոլիս, 1929, էջ 24:

8 Պատմութիւն Արիստակէայ Լաստիվերտցոյ. Վենետիկ, 1844, էջ 58: Կ. Զ. Ճին ռոդյան. Հայ-բուղարական գրական կապերի պատմութիւնից. Երևան, 1966, էջ 14:

9 В. Н. Златарски. История на българската държава през средните векове. Т. 2, София, 1934, с. 535. С. В. Овнанян. Армено-български исторически връзки. София, 1972, с. 24.

քաղաքական դերիշխանությունը և ընդհատեցին կայսրության սահմաններում
ընկալվող ժողովուրդների սոցիալ-տնտեսական զարգացման ընթացքը: Հն-
տազայում, երբ օսմանյան թուրքերը նվաճեցին Հայկական լեռնաշխարհն ու
Բալկանները, Օսմանյան կայսրության սահմաններում ապրող քրիստոնյա ժո-
ղովուրդների համագործակցությունը նոր ընթացք ստացավ: Նրանք միատեղ
պայքար ծավալեցին թուրքական դավթիների դեմ: Դարերի տառապանքը միև-
նույն լծի տակ, ազատագրական պայքարի նույն տենչն ու թափը, զանազան
ուղիներով համագործակցությունը ձևավորել են եղբայրական ոգին օսման-
յան տիրապետության ներքո հեծող և ազգային զարթոնք ապրող հույն, բուլ-
ղար, սերբ, չերնոգորցի, մակեդոնացի, հայ և մյուս ժողովուրդների միջև:

Ազգային-ազատագրական պայքարի հայ և բուլղար դեկավարները երկու
ժողովուրդների մեջ խոր հավատ սերմանեցին հեպի Ռուսաստանը և ռուս ժո-
ղովուրդը: 1828 և 1829 թթ. ռուսական բանակի փայլուն հաղթանակները կով-
կասյան և բալկանյան ռազմաճակատներում մեծ ոգևորություն առաջացրին
սուլթանական ռասմաֆեոդալական լծի տակ ճնշված ժողովուրդների մեջ:
Թուրքմենշախի և Ադրիանուպոլսի պայմանագրերով Արևելյան Հայաստանը և
մերձդանուբյան շրջանները միացվեցին Ռուսաստանին:

Օսմանյան Թուրքիայի կառավարման վայրագ մեթոդը, ազգային ճնշում-
ներն ու կրոնական խտրականությունը, տնտեսական կողոպուտն ու հարըս-
տահարությունները, փաշաների անզուսպ կամայականությունները կատարյալ
խրախուրդեցրին էին հասցրել հայ և բուլղար ժողովուրդներին: Ֆիզիկական
բնաջնջման եզրին էին կանգնել երկու եղբայրական ժողովուրդները, սրտնց
պատմական ճակատագիրը նույնանման էր:

XIX դարի 60—70-ական թթ. Օսմանյան կայսրությունը ցնցվեց մի շարք
ապստամբություններից: 1862 թ. Զեյթունի, 1875 թ. Բոսնիայի և Հերցեգովի-
նայի, 1876 թ. բուլղարական Ապրիլյան ապստամբությունները իրենց վրա բե-
վեռեցին Եվրոպայի բազմաթիվ երկրների առաջադեմ մարտկանց ուշադրու-
թյունը և զայրույթը՝ արյունալի կոտորածների դեմ:

Բուլղարական Ապրիլյան և նրա նախորդող ապստամբությունների պար-
տությունը վերջնականապես համոզեցին օսմանյան լծի դեմ պայքարող հե-
ղափոխականներին, որ առանց արտաքին օգնության հնարավոր չէր ազատա-
զրվել օտար տիրակալից: Օսմանյան կայսրության ոտնձգությունները, Բալ-
կանյան թերակղզում և Հայկական լեռնաշխարհում տեղի ունեցած արյունալի
կոտորածները մի կողմից, ռուս և համաշխարհային առաջադեմ հասարակա-
յան պահանջները՝ մյուս կողմից, ցարական կառավարությանը ստիպեցին
կտրուկ միջոցների դիմել, քանի որ ո՛չ Կոստանդնուպոլսի կոնֆերանսը և ո՛չ
լոնդոնյան որոշումները չկարողացան լուծել Արևելյան հարցի մաս կաղմող
Բալկանների և Հայկական հարցի կնճռոտ խնդիրները: 1877 թ. ապրիլի 24-ին
Ռուսաստանը պատերազմ հայտարարեց Թուրքիային: Ստեղծվեցին Դանուբ-
յան կամ Բալկանյան և Կովկասյան ռազմաճակատներ: Ռուսական բանակների
զորակոչման և համալրման ընթացքում կազմակերպվեցին բազմաթիվ կամա-
վորական ջոկատներ, գնդեր ու աշխարհազորեր՝ բուլղարներից, ուկրաինացի-
ներից, ռումինացիներից, սերբերից, չերնոգորցիներից, մակեդոնացիներից,
հույներից, հայերից ու այլ ժողովուրդներից: Կովկասյան ռազմաճակատի հրա-
մանատարությունը մեծ մասամբ բաղկացած էր հայ զենեարաններից: Ռուսա-
կան բանակի հետ թուրքերի դեմ կռվում էին բազմաթիվ հայեր, որոնց մաս-
նակցությունը մեծ օժանդակություն էր Հայկական լեռնաշխարհում ռուսական
բանակի առաջխաղացման համար: Կարճ ժամանակամիջոցում գրավվեցին
Կարսը, Արդահանը, Բայազետը, էրզրումը, որ մեծ նշանակություն ունեցավ
բալկանյան ռազմաճակատում ձեռք բերված հաջողությունների, մասնավորա-
պես Պլեհնի գրավման գործում: Բազմաթիվ հայ սպաներ ու շարքայիններ
մարտնչում էին նաև Բալկանյան ռազմաճակատում¹⁰:

10 Մ. Գ. Ն եր ո ս ի ս յ ա ն. Հայ ժողովրդի ազատագրական պայքարը թուրքական բռնապե-
տության դեմ 1850—70 թթ. Երևան, 1955, էջ 74:

Այդ պատերազմին իրենց մասնակցությունը բերեցին նաև Բուլղարիայում ապրող հայերը: Պլովդիվի, Պազարջիկի, Վառնայի, Կալանայի, Ռուսեի և այլ վայրերի ազատագրման մարտերում նրանք զանազան ծառայություններով օգնում էին ռուսական բանակների առաջխաղացմանը: Պատերազմի ընթացքում բազմաթիվ բուլղարահայեր, որոնք գտնվում էին թուրքական վարչական ծառայության մեջ և բանակում, լքում էին իրենց պաշտոնն ու ծառայությունը և անցնում ռուսական բանակի կողմը: Այդ պատերազմում իրենց խիզախությամբ և սխրագործություններով փայլեցին Հովհաննես Սվաճյանը, Նրանոս Նրանոսյանը, Թազվոր էլմասճյանը, Ստեփան Աբգարյանը և ուրիշներ:

Բեռլինի խորհրդաժողովի որոշումներով բուլղար ժողովուրդը աղգային անկախություն ստացավ: Սակայն պայքարը սուլթանական լծի դեմ շարունակվեց Արևելյան Ռումելիայի, Արևմտյան Հայաստանի և Մակեդոնիայի ազատագրման համար:

Բուլղար ժողովրդի աղգային ազատագրումը հայ-բուլղարական կապերի ընդլայնման խթան հանդիսացավ հատկապես համիդյան ռեժիմի և նրանից հետո պարբերաբար կրկնվող հայկական կոտորածների ու շարիզների, փախուստի և գաղթի ժամանակաշրջանում: Բուլղար ժողովուրդը եղբայրական ձեռք մեկնեց՝ ապաստան տալով հազարավոր տարագրված հայերի ինչպես 1895—1896 թթ. կոտորածների, այնպես էլ առաջին համաշխարհային իմպերիալիստական պատերազմի ժամանակ և նրանից հետո 1922 թ.¹¹:

1912 թ. առաջին բալկանյան պատերազմի նախօրեին Արշակ Չոպանյանը Փարիզից գրում է հետևյալ նամակը՝ ուղղված բուլղարական կառավարության վարչապետ Իվան Գեշովին. «Այս բացառիկ պահին, երբ Ձեր ազնիվ ժողովուրդը կանգնել է պատերազմի եզրին, ես պարտավոր եմ և ինձ թույլ եմ տալիս հոգու խորքից արտահայտելու հիացմունքս Ձեր հերոս ժողովրդի նկատմամբ ու ամենայն անկեղծությամբ բարձրացնում եմ իմ ձայնը բուլղարական բանակի օգտին: ...Մենք երբեք չենք մոռանա համիդյան ջարդերից հետո Ձեր ժողովրդի հյուրընկալությունը բազմաթիվ հայերի, որոնք հանգրվանեցին Բուլղարիա: Նրանց արտագաղթը եղեռնի արդյունք էր: Այժմ այդ հայերը դժվարանում են արտահայտել իրենց զգացումները: Սակայն կովկասահայերը ամենուրեք համարձակությամբ դրում են իրենց թերթերի էջերում և արտահայտում հանդուգն որոշումներ բալկանյան ժողովուրդներին օգնելու գործում: Ես հավատացած եմ, որ Ռուսաստանից մի մեծ խումբ ուսանողներ՝ կառավարներ, պատրաստ են ուսանել հետ կոմիտեի թուրքերի դեմ»¹²:

Ավարտելով իր նամակը, Ա. Չոպանյանը խնդրում է վարչապետ Ի. Գեշովին այն չհրապարակել ոչ մի տեղ, նկատի ունենալով Թուրքիայում ապրող իր եղբայրներին սպանացող վտանգը: Պատասխան նամակում Ի. Գեշովը Ա. Չոպանյանին ուղարկում է իր աշխատություններից մեկը, որտեղ նկարագրում է հայերի վիճակը Բուլղարիայում:

1912 թ. առաջին բալկանյան պատերազմի ժամանակ բուլղարական բանակի շարքերում զորակոչված էին բազմաթիվ բուլղարահայեր: Այդ իսկ ժամանակ ստեղծվել էր Մակեդոնա-Ադրիանուպոլսյան աշխարհազորը 16840 կառավորներով: Նրա կազմում Անդրանիկի գլխավորությամբ 275 հայ երիտասարդներից կազմված կամավորական գումարտակը, գեներալ Գենեի ղրաբաժնի շարքերում, ակտիվորեն մասնակցեց Ֆերայի մոտ Յավեր փաշայի բանակը գերելու գործողություններին: Առաջին բալկանյան պատերազմում զոհվածների հիշատակին հույն-բուլղարական սահմանի վրա այսօր կանգնած է մի համեստ հուշարձան, որի պատվանդանին փորագրված են բազմաթիվ հա-

11 Առաջին համաշխարհային պատերազմի սկզբին, քանի դեռ Բուլղարիան չէր կողմնորոշվել դեպի Գերմանիան, թուրքական բանակ զորակոչված 1500-ից ավելի հայեր լքեցին ռազմի դաշտը և անցան Բուլղարիա:

12 Централен Държавен Исторически Архив. София, ф. 568, оп. I, ае. 367, л. I. Նամակը գրված է ֆրանսերեն, այստեղ բերված են առանձին հատվածներ:

յերի անուններ: «Այդ անունները օտար չեն, նրանք մեր զինակից եղբայրներն են, որոնք արյուն թափեցին իրենց հայրենիքի և բախտակից Մակեդոնիայի ու Թրակիայի համար: Փա՛ռք հայկական գումարտակին», — գրում է բալկանյան պատերազմի մասնակից Միլան Դամյանովը¹³:

Բալկանյան պատերազմներից հետո, առաջին համաշխարհային պատերազմի տարիներին երիտթուրքերի կառավարութիւնը կազմակերպեց առաջին չեղասպան ոճիրը հայ ժողովրդի նկատմամբ: Հայ ժողովրդի եղեռնը վրդովեցրեց և զայրուցեց առաջացրեց առաջագիմ մարդկութեան շրջաններում: Բուլղարիայում բողոքի հուժկու շարժում կազմակերպվեց հայ ժողովրդի եղեռնի կապակցութեամբ: 1915 թ. բոլոր հայաշատ քաղաքներում՝ Սիւվեն, Շումեն, Իուսե, Պլովդիվ, Վուդնա, Ստարա Զագորա և այլուր բուլղարների և հայերի համատեղ ժողովներ հրավիրվեցին, որտեղ ընդունվում էին բողոքի բանաձևեր Թուրքիայում կատարվող ոճիրի դեմ: Այդպիսի մի ժողովում, որ տեղի էր ունեցել Խուսե քաղաքի հայկական գաղութի ղեկավարութեան հրավերով, հետևյալ դիմումն ուղարկվեց բուլղարական կառավարութեան վարչապետ Ռոդոսլավովին. «Ահա տարի մըն է, որ հայ ժողովուրդը ենթակա է բնաջնջման թուրք կառավարութեան կողմից: Հակառակ մեր ժողովրդի օրինական ընթացքին թուրք պետութեան հանդեպ, կառավարութիւնը սոսկալի հալածանքով, բռնութիւններով ու ջարդերով կոշնջացնէ իսաղաղ հայ ազգաբնակչութիւնը: Հատուկ պատրաստված ծրագրով ան սխտեմատիկ կերպով կը հանէ ամբողջ շրջաններու հայերը և կաքսորէ Փոքր Ասիայի ամենախուլ անկյունները, իսկ հայ օջախները կը դրկէ մահմեդականներ և քուրտական խմբեր, պարպելու համար հայկական գավառները հայ տարրերէն: Վաղվան զարհուրելի կատաստրոֆի նախօրյակին մենք, Խուսեի հայերս, հավաքվելով այսօր սգալու համար մեր թանկագին նահատակ զոհերը, կդիմենք, որ ինչպես միշտ, այս անգամ ալ աղաւթ Պուլկարիայի կառավարութիւնը միջամտէ թուրք կառավարութեան առջև դադարեցնելու համար հալածանքները ընդդէմ իսաղաղ հայ ժողովուրդին թուրք կայսրութեան սահմաններու մեջ»¹⁴: Այսպիսի բազմաթիւ նամակներ ու հեռագրեր էին ուղարկվում բուլղարական իշխանութիւններին ինչպես երկրի ներսից, այնպես էլ սփյուռքի մյուս գաղութներէից:

1915 թ. օգոստոսի 10—12-ը Սոֆիայում տեղի ունեցավ Բուլղարական սոցիալ-դեմոկրատական կուսակցութեան 21-րդ համագումարը, որն ընդունեց բողոքի բանաձև ճնշված ժողովուրդների պաշտպանութեան օգտին: Բանաձևի երկրորդ կէտում ասված էր. «Համագումարը ամենամեծ վրդովմունքով բողոքում է հայ ժողովրդի ազատագրման համար մարտնչող մարտիկներին կախաղան բարձրացնելու դեմ, որոնց պաշարը ուղղված է թուրքական կառավարութեան այն սարսափելի գազանութիւնների դեմ, որին ենթարկվում է այսօր անպաշտպան հայ ժողովուրդը: Թուրքական կառավարութիւնը որոշել է պատմութեան բեմից վերացնել մի ամբողջ ժողովուրդ, Թուրքիայում ռազմակալվածատիրական վերնախավի իշխանութիւնը ամբապնդելու համար»¹⁵: Բլագոյան կուսակցութիւնը այս բանաձևին ավելացրեց բուլղարական կառավարութեան նախագահ Ռոդոսլավովին ուղղված դիմում՝ պահանջելով նրա միջամտութիւնը ջարդերը կանխելու համար:

Հայ ժողովրդի ողբերգութիւնը, կոստորածներն ու գաղթերը, նրա հերոսական պաշարի պատմութիւնը արտացոլեց բուլղար բանաստեղծ, հեղափոխական գրող և հայ ժողովրդի մեծ բարեկամ Պելո Կրաշուով Յավորովը իր «Հայեր» քերթվածում: Այն բազմիցս թարգմանվել է հայերեն: Առաջին թարգմանողը եղել է հայտնի բուլղարահայ իրավաբան, հրապարակախոս, Սովետական Հայաստանի բարեկամ Ստեփան Հինդլյանը:

¹³ «Поход». София, 1941, апрел 27.

¹⁴ «Հայաստան». Պլովդիվ, 15 հունիսի, 1915:

¹⁵ «Работнически вестник», София, 1915, август 15.

Տառագիրներ են նրանք բեկոր են շնչին՝
Ոսոխներից հալածված բազակորով մի ազգի,
Նվ գավակներն են զրկված հայրենիքի իրենց հին,
Որ ողջակեզն է դարձել անօրինակ սխրանքի:

Ինչպես նախիրը քաղցած զազանների ոհմակից՝
Նրանք փախել են, ցրվել աշխարհներում հեռավոր,
Եվ սպառնում է նրանց շառաշյունով զայրագին,
Բնաջնջել հիմնովին ոսոխի թուրն ահավոր:

Ոտաբորիկ, վշտաբեկ, պատառոտված շորերով,
Հայրենիքից անջատված, նրանք դինի են խմում,
Նվ ձգտելով մոռանալ տանջանքները բյուրավոր,
Նրանք այնպես են երգում, որ կարծես լաց են լինում¹⁶:

1915 թ. հեկտեմբերի 13-ին Բուլղարիան մտավ պատերազմի մեջ: Մի շարք հայերի հետ բանակ կանչվեց Բուլղարական կոմունիստական կուսակցության բոցաշունչ մարտիկ Ստեփան Շահբազյանը: Նա ալստեղ էլ շարունակում էր գործել ընդդեմ թալանչիական պատերազմի: Տիրապետելով ֆրանսիացիներին, գրում էր թուրքիկներ, անհուն հակառակորդի խրամատները և տարածում ֆրանսիական զինվորների մեջ: Թուրքիկներից մեկում նա գրում է. «Մեր զենդու մեծամասնությունը բանվորներ ու գյուղացիներ են: Մեր մեջ չկան ոչ մի գործարանատերեր կամ գեներալի որդիներ: Բոլորս պրոլետարներ ենք: Նրանի ձեզ մոտ էլ դրուժյունը նույնն է: Ինչո՞ւ ենք միմյանց հետ կռվում, չէ որ մեզ ոչինչ չի բաժանում: Զէ՞ որ բոլորս ցանկանում ենք տուն վերադառնալ: Նղբայրական ձեռք ենք մեկնում ձեզ: Կուրի՜ իմպերիալիստական պետությունների կողմից մեր վզին փաթաթած պատերազմը»¹⁷:

Հեկտեմբերյան սոցիալիստական մեծ հեղափոխության հաղթանակը նոր խթան հանդիսացավ բուլղարական բանակում հեղափոխական տրամադրությունների և զինվորական հուղումների ուժեղացման համար:

Սոցիալատերազմյան ժամանակաշրջանում, հեղափոխական շարժման բուռն վերելքի տաբերներին բուլղարահայ բանվորները Բուլղարական կոմունիստական կուսակցության ղեկավարությամբ, դարձան բուլղար ժողովրդի սոցիալ-դասակարգային շարժումների մասնակիցը: Այդ ժամանակաշրջանում հայ-բուլղարական համագործակցությունը, Մեծ հեկտեմբերի ու Հայաստանում սովետական կարգի հաստատման ազդեցության ներքո, հասավ պրոլետարական ինտերնացիոնալիզմի բարձր աստիճանի: Բլագոևյան-Գիմիտրովյան կոմունիստական կուսակցության շարքերում դաստիարակվեց և աճեց հայ կոմունիստների այն սերունդը, որը զլխավորեցին Ստեփան Շահբազյանը, Տիգրան Խամիյանը, Գրիգոր Շիշմանյանը, Անդրեաս Հակոբյանը, Հարություն Մելքոնյանը, Գառնիկ Թյուֆյունճյանը, Արտաշես Ասլանյանը, Արմենակ Թադվորյանը, Գաբրիել Գաբրիելյանը և շատ ուրիշներ: 1919 թ. ԲԿԿ ցուցումով հայ փոքրամասնության մեջ ստեղծվում է կոմունիստական սեկցիա և տպագիր պրոպագանդայի ու ագիտացիայի կոմիտե, որը «Մամուլի կոմիտե» էր կոչվում: 1920 թ. ԲԿԿ կենտկոմի քարտուղար Վասիլ Կոլարովի նախաձեռնությամբ «Մամուլի կոմիտեն» Պլովդիվում լույս ընծայեց սփյուռքում առաջին հայ կոմունիստական պարբերականը՝ «Կարմիր լուրերը»¹⁸: 1921 թ. «Կարմիր լուրերի» նույնամբերյան համարն ամբողջությամբ նվիրված էր Հեկտեմբերյան հեղափոխության: Բուլղար աշխատավորները մեծ խանդավառությամբ ընկալեցին

16 Տե՛ս «Սովետական Հայաստան». Նրեան, 14 հունվարի, 1958, թարգմ. Համո Սահյանի:

17 Митко Иванов. Степан Шахбазян. София, 1964, с. 21.

18 Централен Партиен Архив. София, ф. 3, оп. 4, ае. 7, л. 17.

խորհրդային կարգերի հաստատումը Հայաստանում: Սովետական Հայաստանի առաջին տարեդարձը նշվեց Բուլղարիայի բոլոր հայաշատ քաղաքներում՝ Պլովդիվում, Ռուսեում, Վառնայում, Սոֆիայում և այլուր, որտեղ բուլղարահայ աշխատավորները մեծ աշխատանք ծավալեցին Սովետական Հայաստանին նյութական օգնություն կաղմակերպելու գործում: Ստեփան Շահբաղյանը առաջին հայ կոմունիստն էր, որ 1922 թ. սփյուռքից մեկնելով Սովետական Հայաստան, վերադառնալով Բուլղարահայերին պատմեց տեղի ունեցած մեծ փոփոխությունների մասին:

Բուլղարահայ աշխատավորների ինտերնացիոնալ դաստիարակության համար մեծ նշանակություն ունեին բուլղար կոմունիստների հոգվածները «Կարմիր լուրերում», ինչպես օրինակ՝ Պլովդիվում գործող կոմունիստ Նիկոլա Գինեի «Նոր մայիսի մեկ ու նոր Հայաստան» առաջնորդող հոդվածը: Այնտեղ Ն. Գինեը, խոսելով Արևելքում, այդ թվում Հայաստանում հաղթանակած սոցիալիստական հեղափոխության մասին, գրում է. «Քանի մը տարի առաջ Եվրոպայի մեջ ո՞վ կրնար հավատալ, թե ձյունապատ Արարատի վեհապանձ գագաթները պիտի տեսնեն ընկերային հեղափոխության հաղթականորեն ծածանվող դրոշակները Հայաստանի դաշտերուն մեջ, Ալպերու դագաթներեն առաջ, որոնք կը բարձրանան Եվրոպայի մեծ կապիտալիստական պետություններու սահմաններու վրա:

...Իսկ ձեր ամենքը, հայ հեղափոխական ժողովրդին ճշմարիտ դավակները, ցրված ամբողջ աշխարհի վրա, Մայիսի մեկին ճակատնիդ պարծանքով բարձրացուցեք, որովհետև խորհրդային Հայաստանի դավակներն ու պրոլետարական աղատագրումի արժանի ռազմիկներն են, ուր որ ալ գտնվիք: Հեղափոխական աղատագրական պայքարի փառավոր օրերը դարերու գործն է որ կը կատարեն:

Կեցցե՛ք խորհրդային Հայաստան»¹⁹:

1922 թ. «Կարմիր լուրերը» վերանվանվեց «Նոր աշխարհ»: Թերթը ցույց էր տալիս, որ իսկական հայրենասերներ են նրանք, ովքեր ապրում են իրենց հայրենիքի հույզերով ու նրա հաջողություններով:

1922 թ. Թուրքիայում՝ Զմյուռնիայի, Նիկոմեդիայի, Բյուզանդիայի, Արևելյան Թրակիայի և Կոստանդնուպոլսի շրջաններում 1915 թ. սպանդից փրկված հալածյալ բեկորները քեմալականների հալածանքների հետևանքով արտագաղթեցին Եվրոպայի դանադան երկրներ, այդ թվում Բուլղարիա: Ալեքսանդր Ստամբուլյանու կառավարության որոշմամբ մոտ 25000 հայեր ապաստանեցին Բուլղարիայում: Բուլղարական ժողովրդական ժողովի պատգամավոր Թուդոր Թոդորովը շերմորեն պաշտպանեց տարագրված հայերին Բուլղարիայում ապաստան տալու որոշումը: Նա իր ելույթում ասաց. «Քաղաքական տարադրվածներին ապաստան տալը պատվավոր ամանդույթ է դարձել բուլղարական կառավարության համար: Հիշեցեք 1896 թ., երբ Թուրքիայում 25000 հայեր ջարդվեցին»²⁰ և այդքան էլ, խուսափելով թուրքական սվիններից, արտագաղթեցին և ապաստանեցին Բուլղարիա: Այդ ժամանակ մեր շահերն ու հարաբերությունները պահանջում էին սուլթանական Թուրքիայի հետ լավ լինել, քանի որ Թուրքիայում բնակվում էին մոտավորապես մեկ միլիոն բուլղարներ: Սուլթանը պահանջեց ապաստան չտալ հայ գաղթականներին: Բուլղարական կառավարությունը մերժեց և սուլթանին պատասխանեց, որ մենք աղատ ենք ընդդեմ այն բանի, որ գտնվեցին մարդիկ, որոնք ելնելով մարդասիրական սկզբունքներից, բաժանեցին մեր տառապանքները, հետևաբար մենք չենք կարող մերժել և ապաստան չտալ այդ մարդկանց, որոնք խուսափելով ձեր սվիններից ու կոտորածներից ապաստան են փնտրում մեզ մոտ: Մենք որպես ժողովուրդ մեր մարդասիրական ու երախտապարտության պարտքն ենք համարում նույնիսկ մեկ գաղթականին ապաստան տալը»²¹:

¹⁹ «Կարմիր լուրեր», Պլովդիվ, 1921, № 5: Ռ. Հ. Նաչատրյան. Նշվ. աշխ., էջ 92—94:

²⁰ Այս թիվը ճիշտ չէ:

²¹ «Պալաթյան մամուլ». Սոֆիա, 21 մայիսի 1942: Թարգմանված է բուլղարերեն տպված հոդվածից:

Ալեքսանդր Ստամբուլիյսկու կառավարության որոշման մեջ ասված էր. «Բուլղարական կառավարությունը և ժողովուրդը իր այս դժվարին օրերին չեն լքում ավանդական դարձած բարեկամական վերաբերմունքը հայերի նկատմամբ»²²։ Բուլղարական սահմանը բացվեց հայ տարագիրների առջև և նրանք հանգրվանեցին Բուլղարիայի տարբեր շրջաններում։

47—50 հազարի հասնող բուլղարահայ գաղութը մասնակից դարձավ բուլղար ժողովուրդի հասարակական-քաղաքական կյանքին և երկրի տնտեսական ու մշակութային նվաճումներին։

Երկրորդ համաշխարհային պատերազմի տարիներին, երբ ֆաշիստական Գերմանիան պատերազմ հայտարարեց Սովետական Միությանը, բուլղար և հայ աշխատավորները Բուլղարական կոմունիստական կուսակցության առաջնորդությամբ պայքար ծավալեցին ֆաշիզմի դեմ՝ ակտիվորեն մասնակցելով պիմադրական շարժմանը։ Բուլղար ժողովուրդը իր հազարավոր զոհերի շարքում վառ է պահում Հերմինե Ռազդարզյանի (Սաշկա), Հարություն Պողոսյանի, Հակոբ Պարոնյանի, Կարասյետ Խաչատուրյանի և բազմաթիվ հայ մարտիկների հիշատակը, որոնք զոհվեցին թշնամու հետ անհավասար մարտերում։

1944 թ. սեպտեմբերի 9-ին Բուլղարիայում, սովետական բանակի անմիջական օգնությամբ հաստատվեց «Հայրենական ճակատի» ժողովրդական իշխանությունը։ Սովետական Միության անշահախնդիր օգնությամբ բուլղար ժողովուրդը սկսեց կառուցել իր սոցիալիստական հայրենիքը։

1945 թ. հունվարի 21-ին Սոֆիայի հայկական հասարակայնության առաջնենցած իր ելույթում, Հայրենական ճակատի ազգային խորհրդի նախագահ Յուլա Դրագոյչևան ասաց. «Մենք երբեք չենք մոռանա, որ եղբայրական հայ ժողովրդի պատմությունն ու ճակատագիրը շաղկապված է բուլղար ժողովրդի պատմության ու ճակատագրի հետ։ Հայ ընկերները մեզ հետ էին պայքարի բոլոր դիրքերում։ Նրանք դենք ձեռքներին կյանքի գնով մեր կողքին մարտնչեցին թշնամու դեմ»²³։

Սոֆիայում հրատարակվող «СЛОВО» թերթը գրել է. «Հայերի և բուլղարների միջև անկեղծ և խոր համակրանքը արդյունք է նույնաման պատմական ճակատագրի, որը լի է բազմաթիվ առաքապանքներով ու զոհերով։ Մեր պատմական կապերը ստեղծվել են հին դարերում, շարունակվել միջին դարերում և հասել մեր օրերը։ Առանց դժվարության կարելի է նկատել, որ երկու ժողովուրդների դարավոր համագործակցությունը իր հետքերն է թողել նրանց մշակույթի զարգացման պատմության մեջ։ Մենք վստահ ենք, որ երկու ժողովուրդների համագործակցությունը մղելու է նրանց դեպի երջանիկ եղբայրական օրեր»²⁴։

Հայ և բուլղար ժողովուրդները Սովետական Միության ազգերի եղբայրական օգնությամբ, սոցիալիստական երկրների րնաանիքում գտան ազգային վերածնության, տնտեսական, քաղաքական ու մշակութային զարգացման իրենց ճշմարիտ պատմական ուղին։

Մեզ Յավորովն է առաջին անգամ
Ծանոթացրել իր հայանի երգով—
Ինձ համար հեռու, երկիր դյութական,
Քո տառապանքով, քո երազանքով։

Մենք միասին ենք մաքառել դարեր
Բնդդեմ միևնույն բռնակալ, լծի,
Մեր ճամփին հույսը ջահեր է վառել
Մեծ արդարության, մեծ լուսաբացի։

22 «Зора». София, 1922, № 1036.

23 «Երևան». Սոֆիա, 22 հունվարի 1945։ Զ. Մ. Ղասաբյան. Հայ-բուլղարական բարեկամության պատմությունից. Երևան, 1978, էջ 79—80։

24 «Слово». София, 1939, февруари 18.

Եվ թուճանյանն էլ ալս հուլսը երգել,
 Եվ մեր Բոսիւքը, հաճատով խորին,
 Եվ մեզ նույն բախտն է ալս լծից փրկել՝
 Եղբայրությունը ժողովուրդների:

Ու մենք բայլել ենք կրպերով նրանց,
 Օվ հաղթանակել դոտեմարտերում,
 Մինչ շոկտեմբերի լուսը փառապանծ
 Շողաց պատմության երգնականարին²⁵:

СТРАНИЦЫ ИЗ ИСТОРИИ АРМЯНО-БОЛГАРСКИХ СВЯЗЕЙ

Э. М. КАСАБЯН

(Резюме)

Исторические связи армянского и болгарского народов имеют многовековую историю. Начиная с VI века вследствие насильственного переселения армян византийскими императорами на Балканском полуострове возникали армянские колонии, которые в дальнейшем имели большое значение в экономической, политической и культурной жизни Византии и Болгарии. В эпоху османского ига росло и крепло духовное братство армян и болгар. Многовековые традиции братской дружбы между обонми народами усилились при освобождении болгар от османского ига, а в тяжелые годы армянских погромов и резни тысячи армян нашли убежище в Болгарии. В период между первой и второй мировыми войнами армяне в Болгарии вместе с болгарскими трудящимися под руководством БКП активно боролись за освобождение от социального и политического гнета. Эта совместная деятельность в годы фашистской оккупации вылилась в вооруженную борьбу за освобождение страны от гитлеровских захватчиков.

²⁵ «Գրական թերթ». Երևան, 27 մարտի, 1966: Բանաստեղծությունը նրկում է Մարանդուկովի, թարգմանությունը՝ Վ. Կարենցի: